

退

菴

詩

存

題詞

余與海內才士以詩相切劘者垂五十年其就吾齋學詩
稱著錄弟子者亦不下百十輩蒞林最後至而手腕境界
迥異時流又最篤信余說嘗與劉芙初吳蘭雪陳石士李
蘭卿諸子分題角勝每一稿出必就余點定之旣又以舊
稿相質虛衷雅懷往復商確愈唱而愈高蓋不名一家而
能奄有諸家之美者也憶昔年並几論詩如謝蘊山之圓
雋馮魚山之縱橫皆不若蒞林之得路不過沉著按切而
已無他巧也而一時才雋竟皆莫能近惟蘭卿可爲蒞林

畏友耳蘭卿之失在手腕輕鬆然實衆妙之門無不可以
銳入蒞林之失在貪寫正面欲求其鬆而不可得然究其
極致則成就正果直造古人余調蒞林已考選樞庭行將
簪毫禁近不復能從容談藝亟宜乘此未膺繁劇叩涉問
津倘更精進不已余能測蒞林之所至哉嘉慶丁丑中秋
八十五叟翁方綱題

五七古取材輿衍用筆生健其選韻雖險而控制自如則
尤非深於韓蘇者不能近體亦質實不佻具徵功力之純
末卷監利喻民河上雜咏諸篇不惟深切時事乃是仁人

之言欽佩無已道光四年冬孟旰曾煥讀過並識

諸作學博才贍而復氣息古厚格律渾成閩中詩派當於在杭石倉後位置一席非餘子所能學步也快讀一過謹識數語於簡端吳興葉紹本書

詩至今日而其體無不備其變亦屢窮然雲霞日月亘古如斯而光景常新豪傑之士出於其間卓然有以自見夫固有神明於其體而回斡於其變者矣藤花吟館詩十卷苴林梁先生之作也其取法也自三謝而下以至蘇黃罔不有其爲言也馳騁闔闢礫卓排異春容和雅刻飾靚莊

亦罔不極其致原本人紀推究物化稽諏經史商摧篆籀
博而不雜深而不窒大篇短章文字識職合古風格而不
爲狀貌與時弛張而不爲弔靡豈非所謂神明回斡於體
與變之中而卓然自見者乎先生門傳道素蚤歲通籍入
參密勿之地出持繡衣之節將出其所學與古之名臣賢
士爭烈凡所以會古之通而應時之宜者豈僅在區區文
章之事而餽生之見猥欲以此卜之也蒙屬弁簡蓋有取
乎農馬智專之意輒不揣鄙陋爲妄論之如此道光四年
歲在閏逢涸灘相月立秋後三日吳江郭馨序

夫詩者志也豈徒彫琢其文辭鏗鏘其音節以悅觀聽云爾哉讀古人詩者必且綜其生平立朝行事之迹以相印證則卽詩以見其志者亦卽詩以見其人長樂梁茝林先生今之古人也好學而篤志出而官於京官於外必本其志之所願而卽安焉而又往往能如其志故其爲詩斐然文沖然雅而肫然以摯賦登臨則志在鑒古涉宴賞則志在戒今處中朝則志在靖共守四方則志在保乂拳拳然可以化驕而爲愿變鄙而爲儒蓋其矜氣盡釋而本末粲然詩之至也余媿不能詩然讀先生之詩而有感焉意凡

作詩者必有先生之志其詩乃爲可觀於先生之索序也
敢以斯言質之道光四年八月武進董士錫

淮海觀察長樂梁公所爲詩若干卷不尙符采無假譎詭
深湛之思遠婉於揚雲凌厲之氣嗣韻於越石體要旣得
馨逸自成後進翕然賢達靡間嘗論今之作者皆以鑿悅
爲工連朴爲巧往往搜難抉新變古駭俗迹其揚葩鬬葉
之麗撐霆裂月之奇蓋亦原本風騷極命草木然鏤錯傷
雅縟繡近浮或乃危仄險恠激厲叫呶旣與六義相乖要
是五際之厄昔彥和有言吐納英華莫非性情是以賈生

俊發文潔而體清長卿傲誕理侈而辭溢由斯以譚文章
流別通乎人倫之鑒矣惟公明體達用充性約情和不易
介廉不劇物入直樞府杜口溫室之談出爲巡方勵節止
水之操宜其言多澹懷意妙俗韻俱道適往契迹真宰之
先自然從容超絕物象之表觀集中河上諸詩於海口之
通塞河流之湍緩築石槌竹之利弊負薪捧土之險艱一
篇之中三復致意匪惟雕龍寶美金鑑是知鮑昭作頌徒
侈諛辭賈讓陳策未揆盛藻以古方今詎可同日濤享帝
自珍苦不逮意涉世多故恒廢嘯歌公迺勞謙損辱商摧

退菴詩存

題詞

四

譬之策蹇人以上天導矇瞽以先路齊足並騁有慚未能
所願後車託乘而已吳興沈濤謹序

菑林先生與余先後入庶常散館改儀曹乞假歸講學建
溪搜輯先賢遺書十數種付梓行世久之還

朝直樞樞禁適余膺

簡命厯益豫楚粵十餘年屆期入

覲作竟日歡逮余秉節三楚菑林亦出守荊州在鄂渚論
政數日旋之任歲甲申余內徵秋卿明年菑林以淮海觀
察升齊臬覲

聖日下盤桓數日皆籌議河漕政務未嘗片語及於詩也
臨別始出所裏古今體詩二帙以遺余余讀未出山諸作
蓄之也厚造之也深都門唱和沈博絕麗曰大以肆矜惟
所至旣得行其所學而憂勤惻怛之意益乎篇什是其學
足以博綜古今才足以經緯本末而又廣以賢豪之交暢
以山川之助凡胸之所蘊志之所寄宦蹟之所經歷政事
之所展布自然流露溢爲詠吟如籟鳴空如風行水不名
一長而各擅其美集中所云了不關詩詩在此非其自道
者耶苴林性沈毅寡言語及其談論政要則侃侃直陳無

不中時弊達國體負有用之學施於有政以當

國家作霖濟川之任而不僅以詩擅長也是則余之所厚望矣同里陳若霖序

古今之雄於詩者未有不通於政事者也孔子不云乎誦詩三百授之以政不達使於四方不能專對雖多亦奚以爲杜少陵間關於戎馬奔走之間其論兩京治亂及蜀邊事最悉昌黎韓子香山白公詩文雄於時而立朝莅官皆有風采施設宋之歐陽永叔眉山二蘇亦皆登宰執躋侍從爲一時名臣然則以一邱一壑自娛悅者乃詩人之詩

而非雄於詩者之詩也前輩菴林先生以八閩甲門著系
少於書無所不讀於文無所不工尤恣意於詩入詞館改
官後且夷猶淡定臥山水之間者十載故於詩進而益上
洎直樞禁參兩制走筆飛書觀者動色練達清慎上結
主知出守荊州未幾擢淮海道今春陳臬齊魯其在楚也
以片言息監利士民數年之爭淮海司黃河尾閭宣防尤
要公揆度形勢勾覈薪芟費少而工堅人和而事舉至於
對赭衣點丹筆一以至誠求之故獄不寃情不壅訟庭空
虛減於前者六七論今世備經濟文武之才可以爲

聖天子方叔召虎者必舉公爲稱首而公於公暇時乃翰墨之是親而吟咏之不廢也公之在閩也嘗屢爲武夷之游其在京師也爲蘇齋詩弟子集羣彥舉文字之會春秋佳日花開酒香拈題課詩每出一篇必冠儕偶余入春明最晚多病寓居又遠不克追槃敦之後今年始得從公游濟上偶以一篇挑戰不移時而公詩已至亮特奮述萬不可及益信才固天授不盡由學也公有藤花吟館詩鈔十卷一以杜韓爲宗主而出入於唐宋諸大家以成爲公之詩理實而氣空才大而心細不故蹈鉤章棘句之習亦不

必爲縹緲恍惚之辭譬之萬斛之船適溟渤而後知其用
百鈞之弩洞犀兕而始信其鈇蒙以爲有鐔石覃溪兩先
生之典博而通達瀏亮公實過之蓋雄於詩而不獨雄於
詩所以施之政事罄無不宜且繼唐宋諸賢而爲一代名
臣也歟余於詩雖甚好之然苦不能工又不甘爲一邱一
壑之詩今讀公之詩益信古今之雄於詩者未有不通於
政事者也因以是言贅於簡吳縣吳慈鶴序

覃谿學士之序蔭林廉使詩曰不名一家而能奄有眾家
之美曰沈著按切一時才雋莫能數言足以盡蔭林矣同

時諸公所以交口稱蒞林者甚至然莫如覃谿之簡而盡
余雖欲贅一詞卒無以加之也雖然覃谿詫蒞林篤信其
說意欲納爲學詩弟子則余未敢謂然覃谿論詩多精詣
然如元遺山絕句之滄海橫流顯指蘇黃末失而以爲主
論時政此豈遺山之意哉覃谿所奉者睂山所宗者漁洋
而其所爲詩瘦硬杈桯乃於涪翁爲近去睂山漁洋若風
馬牛之不相及假令強附之睂山漁洋之苗裔其可乎哉
非惟覃谿爲然睂山多自比香山其詩非香山也漁洋自
謂石倉後身其詩非石倉也師古人者以神不以形執一

而掩百徇目而廢心則明人門戶之見而其弊卒不免爲後世譏者也君子奚取焉非惟睂山漁洋爲然昌黎論詩於東野玉川不以其同已也而暱之於秘書水部二張不以其異已也而擯之曾入主出奴之是私乎哉蒞林之詩自嘉慶癸酉入都以後從覃谿遊間效其體云耳其才力之雄固自足深造古人之堂室惡在其爲墨守覃谿也余懼不知蒞林者誤據覃谿一語以爲宗派口實也故相爲明之蒞林其亦自知之矣同里陳壽祺書

長樂梁蒞林先生編其所作雜體詩凡若干卷將授之梓

而屬蓀綴言簡末誦郊居之賦識謝王筠附蘭亭之篇名
慙寶輦蓀何人者曷克副茲承命以來罔知所措敬傳古
訓用佐妄談竊惟大夫之選儒者所稱必備九能迺宣六
義先生幼承庭誥世守楹書丹鉛浸淫朱藍湛染蚤踐禁
闕不廢下帷貴至監司猶勤發篋網羅文獻諮諏典彝根
于默深積爲閎達故以鴻黃窈窕之學駿厲騰蹕之才蔚
涵古腴鏗耀奇采鋪觀眾制可得而言夫具敖魯山沮漳
楚望名卿博物前志豔稱賦江海者匪侈物色之奇敘津
涂者必詳形勢之嶮然惟才如孟縣始肖南山聖比杜陵

克雄西蜀先生則述征問俗鑒古徵今過荆門而識內方
問閭官而搜遺址監利諭賈輸之益皂河論潯蓄之宜胸
羅方輿手撫阨塞勝讀酈元之註足疏班固之書傳所謂
山川能說者有焉至若登臨有作連邈斯傳黃鶴樓空敢
繼聲於崔顥滕王閣迴喜附名於子安無負勝區遂成絕
唱先生居雄秀之地具蕩儻之懷鼓山巔望滄波而盪
胸梨嶺巋巋觀雲海而駭目漁梁萬葉之寺幔亭九曲之
溪賈勇攀躋振奇吟嘯傳所謂升高能賦者有焉又況舉
牢金石斟薌邱墳乙酉辛彝姒戈姬鼓崖題壁剗摩挲苔

剝之文雲云。蠶回商摧薤垂之體。岱頂之篆。新剔般若之
刻。舊全以及未央瓦當。建武泉範。碑存劉令塢。記錢王文
琴。流傳謝硯。轉徙詒經。訂史參籀。補蒼語。壞瑋以陸離。義
噩厚而淵奧。則又傳所調制。器能銘者。殆合許鄭。淵雲爲
一。已泊乎影纓。望郡擁纛。巖壘涉五馬於漢江。揚雙旌於
淮浦。息閒田之訟。修網水之防。賊可直陳。證石菑之緣起。
事當微指。權輿蕩之便宜。屬以泛濫。告災疏。闕孔亟。舉楚
旣瘁。漕粟兼勞。由饑已溺。蘊其誠。先憂後樂。達其悃。則又
推極於使能。造命之誼。而宏此設施。徵於諷喻者也。問舉

數善足概九能洵乎學以理融才繇識究貫實用於民物
恢素抱於事功旨越風騷義制雅頌徒以淹貫眾妙驅掃
羣材傾心偉辭駭矚傑構是猶測澥者罔涉滄瀚之流觀
樂者未識幬載之量也浙水楊文蓀題

連日披讀大集有體有用迥異時流之以輦輓爲工者昨
題尊藏漢瓦雙研冊有鴻筆霖雨潤蒼生之句信非虛譽
足下不必以詩傳卽此十卷亦豈足以盡足下之詩然卽
就詩而論則陳恭甫之言爲不可易矣道光戊子長夏襄
平蔣攸銘識於金陵節署

蒞林同年之深於詩余知之久矣而未見其詩也丁亥歲
請假歸里蒞林方藩翰吾蘇始得讀其藤花吟館詩鈔十
卷繼而頻相唱酬殆無虛月茲蒞林又輯其詩自癸未秋
迄辛卯冬共十卷目之曰退菴詩存以示余余於詩未涉
其藩籬烏足以論詩顧與蒞林唱酬越五年之久則不可
謂不知蒞林之詩者也蒞林才大而學贍於經史百家之
言無所不究覽其爲詩也陶冶羣籍而杼軸予懷奄有眾
美而不名一家時而爲嘽諧和易之音則垂紳正笏佩玉
鏘鳴不足形其春容而莊雅也時而爲發揚蹈厲之作則

鯨魚掣海威鳳昂霄不足形其瑰瑋而騰蹕也時而爲曼
衍奇恣之觀則風雨雷霆交發並至龍蛇虎豹變現出沒
不足形其震蕩而翕闔也其間次韻疊韻更唱迭奏則八
音繁會異曲同工又如天孫雲錦絕無裁縫鍼線之迹至
於肩宏任艱事與時並身在局中知周象外甄核古今之
宜推究通變之極其言爲有用之言卽其詩爲有用之詩
可以見立身行政之本原其必傳於後不徒在章句之工
也若其精鑒密識考証金石品題翰墨又察物之餘緒好
古之極思已蒞林雖公事旁午而飛牋擊鉢援筆立就蓋

其根柢槃深枝葉俊茂蘇齋前序所謂成就正果直造古
人者藤花吟館詩中時有鐙刻峭厲之作年來所處不同
而詩境亦爲一變其醞釀深厚與年俱進如此異日一品
集成更何能量其涯涘哉道光十二年歲在壬辰清明節
元和吳廷琛謹序

退菴詩存卷一

福州梁章鉅蔭林

述祖德詩三十首

昔人言文以述祖德爲貴貴不忘也章鉅因輯安定遺
編竊見吾宗偉人代出嘉言懿行美不勝收而羣從子
姓鮮有能舉其事者良用愧懼爰謹就其尤著者以韻
語鋪之並隱括其大端附於各詩之後匪徒以光家乘
亦期我後人是則是效庶免數典忘祖之譏云爾

周先賢叔魚公

鯉

生同鯉庭祥名乃魯論佚疑年未能稽封祀古可述孔門
弟子攷上接淵騫列遺聞實昌後千春思祖德

史記載公少孔子二十九歲家語作三十九歲唐贈趙
伯宋贈千乘侯史記集解云鱣一作鯉按伊世珍嫺媛
記引賈氏說林云鱣母秦氏大雨中見火光自天降中
躍一物赤色形若鱣飛入室中不見是夜生公故名而
近人盧敬甫存心撰文廟從祀弟子讚云梁子無子欲
賦離鸞友言而止雙羽復完二年之行夢熊夢蘭昌厥
後人椒聊實繁則亦據家語也

漢陵鄉侯仲寯公統

陵鄉剛毅人法律性所好表進隨竇融將兵奉明詔亂國
用重典上書乃不報豈知濟時才威惠本兼到

公初仕州郡以安集涼州拜酒泉太守赤眉入長安與
竇融起兵保境後隨竇融詣關加宣德將軍又用從征
隗囂功封成義侯更封高山侯復出爲九江太守封陵
鄉侯同產兄巡從弟騰並爲關內侯公疏稱法令旣輕
下茲不勝宜重刑罰以尊舊典語詳後漢書本傳

漢愍侯叔敬公疎

少習孟氏易長作悼騷賦七序良史稱素餐幾輩懼女貴身死幽追謚悔已暮諸竇良忌逼何物太守據

公爲陵鄉侯次子所作七序班固稱之曰孔子著春秋而亂臣賊子懼梁竦作七序而竊位素餐者慙嘗登高歎息曰士大夫生當封侯死當廟食如其不然閒居可以養志詩書足以自娛州郡之職徒勞人耳後辟命交至並無所就肅宗納其二女小貴人實生和帝竇皇后養以爲己子諸竇遂陷以惡逆詔使漢陽太守鄭據傳考死獄中永元中事得理追謚褒親愷侯封子棠樂平

侯雍乘氏侯翟單父侯

漢高士伯鸞公

鴻伯 續列女傳 淳恐誤

逃名霸陵山忽舂吳市廡易姓更何心有懷不能吐安邱
果同調修遠邇可譜靈休季魯間高風卓千古

後漢書言公易姓運期廣韻亦云改姓運期氏公父讓
仕莽封修遠伯後卒於北地卷席而葬此蓋公之隱痛
故甘心客死遺命不歸葬其適吳詩惟冀幸與季札魯
連同美其志可知本傳謂仰慕前世高士爲四皓以來
二十四人作頌今文選雪賦注補亡詩注並引公爲安

邱嚴平頌云無營無欲澹爾淵清卽其逸句也

魏大司農子虞公習

豪右隸行伍戶口編鄴城名王旣稽顙邊境乃肅清方面二十年不以財貨撓勸農復貢士氣已銷戈兵

公領并州刺史時并土新附難制公禮召其豪右次發諸丁強以爲義從削移其家送鄴凡數萬口單于恭順邊境肅清政治爲天下最太和初徵拜大司農進封申門亭侯在州二十餘年而居處貧窮無方面珍物勤勸農桑百姓布野貢達名士咸顯於世詳魏志本傳

周大尉武昭公

禦

改姓紇豆陵實出安定族好學趣詳雅韜鈴復嫻熟佐命
勲益高持綱政彌肅國步猶未康考終難瞑目

公字善通其先安定人後官北邊遂家於武川改姓紇
豆陵少好學進趣詳雅長好弓馬有志畧周文帝旣平
秦隴欲引兵東下以公翊戴功使鎮雍州復從平宏農
破沙苑加侍中進爵廣平郡公爲政舉大綱而已人庶
稱之臨終惟以國步未康爲恨言不及家贈大尉謚武

昭詳北史本傳

周上柱國襄公啟

惠聲浹北部威名震西州備邊十餘事謀國遠且周功成
急勇退出處真優優板輿上殿陞闔門復何求

公字持德少沈敏有行檢以備齊戰功厯鎮方州威惠
並著隋文帝總百揆代王謙爲益州總管謙反率步騎
二十萬討之劍南平進上柱國時見突厥方強恐爲邊
患陳鎮守之策十餘事帝嘉歎久之以久居重鎮不自
安屢請還朝謂所親曰功遂身退今其時也遂謝病闔
門自守帝賜以板輿朝覲令三衛輿上殿謚曰襄

周大將軍貞公

所

望族三輔雄幹能世其美州里稱溫恭朝廷賞瓌偉戰功徧西北誠信遐邊壘介弟同易名著姓孰能擬

公字元明少溫恭見稱州里周太祖次雍州公以三輔望族上謁太祖見公容貌瓌偉深賞異之以幹能歷鎮方州宣布誠信撫以仁惠蠻夷莫不悅服流民歸附者相繼而至由安定縣子進胡城縣伯除九曲城主贈大將軍謚曰貞弟榮亦封朝那伯謚曰靜

隋相州刺史襄公

彥光

孝友與循吏古史鮮合傳唯公克兼之體用自貫串至性動九重通才鎮萬變誰知戴帽飭稜稜風骨見

公字修芝少岐嶷有至性其父謂所親曰此兒有風骨當與吾宗長厯華岐相三州刺史岐州俗質以靜鎮之課最爲天下第一居相部如岐州法鄴俗變詐坐免歲餘拜趙州刺史公奏曰臣待罪相州百姓呼爲戴帽飭請復爲相州改絃易調從之下車發奸摘隱有若神明合境大駭初齊亡後士族多遷關內唯技巧商販及樂戶移實州郭由是人情險詖萬端千變公欲革其弊乃

招致山東大儒每鄉立學月親策試及大成復優其賓
貢之禮於是人皆剋勵風俗大改少時遇父篤病求紫
石英不得憂瘁不知所爲忽於園中遇之咸以爲孝感
所致嘗以母憂去職毀瘠過禮帝爲嗟嘆治岐州時嘉
禾連理出於境內有澄陽焦通事親禮闕爲弟所訟公
將至孔子廟令觀韓伯瑜伏杖悲泣像通愧悟若無容
卒爲善士卒於官贈冀定瀛青四州刺史謚曰襄

魏祕書令

祚

好學習經典尤長易春秋一官旣不達遷轉無悔尤史筆

袞鉞重賦材山海收翩翩佳公子迥非勢貴儔

公本北地泥陽人父邵歸魏官濟陽太守至公居趙郡
篤志好學善公羊春秋鄭氏易辟祕書中散稍遷祕書
令爲人排擯退爲中書博士旋出爲統萬鎮司馬嘗撰
并陳壽三國志名曰國統又作代都賦行於世清貧守
素不交勢貴子元吉亦有父風北史魏書皆有傳

秦侍中伯言公

謚

霸國少麗藻况乃聚一門吾宗好兄弟堂堂秀人羣伯也
有仕績史未詳其勲申房集并佚歔歔想遺文

公博學有雋才仕前秦爲著作郎稍遷至中書令出爲
安遠將軍幽州刺史鎮薊城進位侍中公與弟熙俱以
文章清麗爲世所稱時人爲之語曰關東堂堂二申兩
房未若二梁瓊文綺章今集並無傳惜哉

隋刑部尙書景和公

毗

直道世所忌矧際衰亂朝兩疏劾權貴盛氣壓百僚越公
寵雖替宇文志彌驕哭金感首長此舉尤超超

公性剛謇有學涉開皇初以鯁正拜侍書御史轉大興
令遷雍州贊務直道而行無所迴避頗失權貴心出爲

西甯州刺史封邯鄲縣侯在州十一年先是酋長皆服金冠以金多者爲豪雋遞相陵辱每尋干戈公以諸酋長遺金置座側對之慟哭曰此饑不可食寒不可衣汝等以此相滅今欲來殺我耶一無所納於是蠻夷感悟遂不相攻進位上開府楊素擅權再疏劾之恩寵漸衰又奏宇文述私役部兵以固爭忤旨憂憤卒

唐右補闕敬之公肅

賢哲瑞一時文藝讓獨步起衰昌黎先名流樂景附摘詞
喜禪悅束修自儒素珍哉皋橋銘偉矣述初賦

公爲景和公五世孫建中初中文辭清麗科蕭復薦修
國史以母老不赴杜佑辟掌書記召爲監察御史轉右
補闕翰林學士皇太子諸王侍讀贈禮部郎中貞元中
李觀韓愈李絳崔羣俱游其門被獎譽嘗旅於吳作伯
鸞高士墓碣又作述初賦敘吾宗先德獨詳他文傳於
今者亦最富云

唐孝子

文貞

終天胞遺恨廬墓三十年有間但畫字心悲口難傳孝子
非爲名史館例必宣甘露降庭樹白兔馴吉阡

退菴詩存卷一

公少從征役比回而父母皆卒恨不獲終養乃穿壙爲
磴道晨夕灑掃其中家人有所問但畫字以對有甘露
降塋前樹白兔馴擾之異縣令刊石以紀刺史請宣付
史館從之見舊唐書孝友傳

唐進士震

白衣侍樽俎自稱前進士一命雖不沾委任乃莫比雲龍
自應運望重鄴侯李荆臺偶騎牛遺榮如脫屣

公初名霽嘗以所業詩詣劉象象曰製名雨下從謁以
雨謁人未得輒見請易震字震從辰辰者龍也龍遇雨

變化必矣因改今名未幾登進士第開平初歸蜀過江
陵武信王喜其才識留之公自以唐臣耻爲强藩屬吏
亡去又恐及旤乃曰震素不慕榮宦必欲使叅謀議以
白衣侍樽俎可也王心重之因所料事多中益見親信
文獻王繼立尤委任之以老請退居監利自稱荆臺隱
士每詣府輒跨黃牛至聽事以爲常有文集一卷今未
見事蹟詳吳任臣十國春秋

南漢翰林學士

嵩

潔身耻衰季志士多遐心作賦繼陟屺抗疏終投簪利物

不自利惠及州鄉深英靈白馬來盼蠶千秋欽

公潯州平南人白龍元年舉進士第一仕至翰林學士
見時多虐政乞歸養老獻倚門望子賦以見志錫賚皆
却不受請蠲本州一歲丁賦從之州人感其德身後歲
祀不絕今白馬廟其遺蹟也十國春秋有傳

宋工部侍郎元褒公

周翰

五季文寢衰至公始一振遄回屈下位曠敗屢遭擯才名
受主知纂修洽時論澶淵獨請從平生見忠悃

公以薦爲秘書郎直史館乾德中擬制二十編擢右拾

遺又獻五鳳樓賦爲時傳誦五代以來文體卑弱公與高錫柳開范杲等以淳古振之時有高梁柳范之稱以微過出外屢遭擯斥不樂吏事會宋白等列奏其有史才仍居史職太宗親試貢士公爲考官面賜金紫因語宰相稱其有文尋與李宗諤分領左右史之職起居注之進御自公始也真宗舊知其名尤加優擢歷駕部郎中翰林學士澶淵之幸已命判留司御史臺懇求扈從許之大中祥符初遷工部侍郎卒年八十一有集五十卷及續因話錄公侍讌後苑詩有百花將盡牡丹坼十

雨初晴太液春之句上特稱之見玉壺清話

宋翰林學士太素公顯

榮名雍熙始攷終景德初敍歷二十載獻替不絕書此才
豈徒吏輔世資良謨里語成丹青惇史當非誣

公歷官中外史稱其有吏才真宗初嘗作聽政箴以獻
又上邊事疏爲時論所稱凡羣臣上封事者悉付公詳
閱可否以翰林學士權知開封按公舉雍熙二年乙酉
進士賜甲科至景德元年甲辰六月卒於官年九十二
則公登第實年七十二宋史本傳鑿然可按而世俗訛

傳爲八十二東平州志又以爲少年及第皆好事者爲之不足據也

宋戶部判官仲堅公

固

韶齡有志節門蔭意所捨居然名父子甲科紹弓冶春秋史例嚴天禧頌詞雅陰山事渺茫遺書不可寫

公爲太素公長子幼有志節嘗著漢春秋爲太素所器賞以遺蔭賜進士出身服闋詣登聞院讓前命願赴鄉舉大中祥符元年服勤詞學科擢甲第氣調俊爽善與人交復明於吏道鞠獄時稱平審天禧大禮成奏頌甚

工無幾卒年僅三十有三宋史言有集十卷今並無可攷公身後爲陰山諫議事見祖士衡龍學文集

宋司空莊肅公

適

父兄皆狀元少孤學益勵獻文徵孝思天子識家世國體不可褻侃侃辨名義綏邊晚策勲經權實兼濟

公字仲賢爲太素公三子少孤嘗輯父遺文及所自著以進真宗曰梁顥有子矣曉暢法令臨事有膽力儂智高入冠移嫗書求邕桂節度帝將受其降公曰若爾嶺外非朝廷有矣乃遣狄青平之帝曰向非適言南方安

危未可知也契丹欲易國書稱南北朝公曰宋之爲宋
受之於天不可改也自古豈有無名之國哉乃止嘗知
秦州羌不爲患知并州復夏人盜耕地六百里領忠武
昭德二鎮檢校太師致仕進太傅贈司空謚莊肅

宋尙書左丞況之公燾

冊服諷宣仁昌言排二蔡居官不屈法直聲動中外長孺
發廩粟權宜所全大煌煌薦士錄黨人亦何害

公居官多所排擊神宗疑其不肯安職因對言臣不敢
屈法以負陛下有請宣仁后御文德殿服袞冕受冊者

公率同列爭之宣仁欣納蔡確作詩怨謗公力攻之確
卒竄新州又論蔡京輕險貪愎不可用元祐初拜尙書
左丞旋以黨禍黜安置化州嘗作薦士錄客曰公所植
桃李乘時而發但不向人開耳公笑曰某出入侍從至
位執政八年之間所薦用之不盡負愧多矣其好賢樂
善如此

宋右丞相文靖公

克家謹案吾家以公爲入閭始祖

吟詩覘器識奉使尊禮儀恢復豈殊議財用闕度支重臣
善謀國奇功非所期六事復四條靖共無愧辭

公字叔子紹興三十年廷試第一爲著作郎以災異請
求言自條六事遷給事中復請開諫諍之路因具奏風
俗之弊四條上手筆獎諭時虞允文主恢復公奏用兵
以財用爲先今用度不足何以集事上改容從之定金
使入朝禮著爲令又勸上無求奇功淳熙八年知福州
有治績拜右丞相封儀國公贈少師謚文靖公暑年有
賦梅花詩見梅磧詩話又解試雕鶚離風塵詩見螢雪
叢說人皆以此卜其器識撰中興會要二百卷長樂志
四十卷見宋志及直齋書錄解題今唯存淳熙三山志

著錄 四庫卽長樂志也

宋遺民隆吉公棟

吾詩果可傳人將有腹稿一編今幸存寒吟出潦倒觸諱
非所恤安貧復守道令弟亦矜然空山守枯槁

公由鄂州遷鎮江登第後選寶應簿調仁和尉後避地
建上宋亡復歸武林遭詩禍而名益著弟桂字中砥入
茅山從老氏學公往依之江東人士從者甚衆平日好
吟咏稿無存者門人問曰先生何故不存稿公曰吾詩
堪傳人將有腹稿皇慶間金華胡迺始哀公遺詩爲之

序今惟石門吳氏宋詩鈔稍存其畧云

金保大節度使公贊公襄

興陵固令主畋游亦恒情禪哉金蓮川一疏如鳳鳴春秋
學貫串著述想未成嵩呼與封祝空傳詞藻精

公少穎悟日記千餘言登大定三年進士第世宗將幸
金蓮川上疏極諫遂罷行歷曹州勝州隰州刺史累遷
保大軍節度使史稱公長於春秋地理氏族無不賅貫
惜無傳書中州集僅載公由河南府倅移華州防禦使
謝表云昔同雒尹已陪嵩岳之呼今領華防願效封人

之祝爲世所稱

金韓州刺史經甫公

持勝歸潛志作名詢諱字仲經父中州集云避宣宗諱

改

家世本貴胄志膽綜文武中外皆叛臣大罵得死所耿耿
報國心虹光亘霄吐鳥悲花復慘赴官早酸楚

公爲公贊公子質直好義多力善射泰和六年進士復
中宏詞科出爲上江留守判官宗室萬奴叛據上京行
省太平與其謀脅公作文移公大罵不從以節死詔贈
中順大夫韓州刺史公初赴官有詩云山雲欲雨花先

慘客路無人鳥亦愁人以爲讖語見中州集

金叅知政事正憲公肅

大定稱治朝叅知績尤茂恤刑理財疏先後可其奏奉使
命不辱治河功亦就寬然出處間風采動朝右

公字孟容擢天眷二年進士第正隆間歷任外職清大
名獄得釋者數千人措置沿邊兵食民皆得利河決李
固請築隄使分流以殺水勢從之洊歷吏部尙書上疏
請親擇臺諫時宋主請免立受國書之儀至有就館奪
書者公奉使乃一一如約立接國書轉濟南尹上疏請

除重法不報遂致仕未幾起彰德軍節度使召拜叅知政事復上疏論生財舒用八事又論盜賊未息請無禁兵器語多施行以請老再致仕謚正憲

元叅知政事伯溫公

德珪

通達本性成議政明辨晷朝典尤熟諳某事如某律至元赦逋負罷民賴蘇息憂讒遽引咎進退亦無忒

公由郎中六遷至叅議尙書省事至元中執政入奏事帝詢其曲折不能對公從旁辨晰明白舒暢拜叅知政事每遇疑事同列莫能措辭公則曰某事當如某律某

年嘗有此旨驗之皆然因地震進言得大赦中外逋負
民賴以蘇大德中爲求進者中傷會帝疾卽慷慨引咎
安置湖廣帝疾愈召還因以氣疾乞骸骨歸

元昭文館大學士貢父公曾

記書曰千言幼爲有用學口舌息兵戈外藩稽首服贈遺
一不受主眷自此篤朝政多所咨隕星感梁木

公起家令史歷官兵部吏部尙書嘗再使安南風其世
子請罪入朝辭命不少假贈遺一無所受世祖大悅解
衣賜之且令坐地上右丞阿里意不然世祖怒曰梁曾

兩使外國以口舌息兵戈爾何敢爾皇慶中以前朝舊
臣特授昭文館大學士累章乞致仕不允國有大政必
命公與諸老議之後以病去杜門謝客日以經史自娛
卒之前有大星隕於所居流光燭地人皆異之

元儒學友直公

益

經史旣博洽文辭自能工氣質可變化至言昭瞽矇發揮
朱氏學名象觀會通 石渠收邁書沾漑庠序中

公又號庸齋本福州人遷居江陰附見元史陸文肅傳
史言其博洽經史而工於文辭其教人以變化氣質爲

先學徒不遠千里從之時浙西稱學術醇正爲世師者
唯公一人所著有三山稿詩緒餘史記姓氏纂又有詩
傳旁通十五卷 四庫全書提要稱其仿孔賈諸疏證
明注文之例凡朱子集傳所引故實一一引據出處辨
析原委是是非非絕無堅持門戶之習謹按此書前有
翟思忠一序明朱睦㮮授經圖遂以詩傳旁通爲思忠
所作今 四庫全書據朱彝尊經義考訂正之

元儒學孟敬公

寅

養親隱教授人稱梁五經經義各醇粹史學尤研精詩歌

特緒餘亦擅陶韋能至今石門山蔚然鬱芳型

公家新喻元末辟集慶路儒學訓導以親老辭明初徵
修禮樂書將授官復以病辭歸結屋石門山學者稱曰
梁五經著有周易叅議詩演義周禮考注春秋考義又
有冊要史斷及耄言論林菟古集格物編石門集諸書
今惟周易叅義十二卷詩演義十五卷石門集七卷皆
著錄 四庫全書中提要稱其文持論醇正語有根據
不愧儒者之言詩亦舂容澹遠規仿陶韋足徵所養今
石門集世有二本 四庫所收七卷者爲馬氏玲瓏山

館所寫坊間有十卷者則新喻知縣崇安暨用所刊也

退菴詩存卷二

福州梁章鉅荏林

李陽冰般若臺篆字歌

衡陽岫碑不可捫岐陽石鼓科臼翻侯岡控飛籀史化上
蔡真刻焚餘瘕吾聞荒遠蹟愈渺按圖十一猶疑慳神工
鬼斧鑿不到搜奇往往嘲巖巒山靈奮激海若怒風雨倒
捲蛟螭蟠夜深鎖紐向絕壁伶俚傳百怪走且顛誰其尸者
唐李監長劒快戟森烏賁三才萬彙睨儵忽揮斥流宕窮
倪端寶鼎躍水有神助古溜過石無新痕坐令光價耀寰

字仰揖漢碣晞秦甄世間精詣豈逸致當年篆室窺真源
以豐同豐中郎惑將束作宋丞相惜苦心訂訛告採訪想
見雪泣忘眠殮千秋萬歲自有故造化亦樂當鐫刊我來
爾足奈屢失乍見畫肚愁難援圍尺深寸語易曉匪誇趨
趨兼窺輶香臺銷歇般若寂壯觀孰識華巖巔紛紛耳食
稱四絕那得精鑒祛煩冤倚裳聯襪吟不語牧童愕胎山
鳥喧呼觴歷歷記跟肘走筆欲補歐陽篇

苦雨

舊雨入新歲依依春又殘重陰常過午積水易生寒未暇

愁花劫深防誤黍單貧家多似我何以慰幽歎
已分非豐瑞誰能補漏天冥冥千派水黽黽萬家煙輪輓
飛符急清盦慮獄專臺臣有長計閉戶且恬然

擬古

西風吹廣野白日漏寒木蒼蒼起層雲迢迢度雁足清陰
辭故枝商意薄林谷閉戶理三徑祇有凌霜竹弱齒輕歲
遲壯齡悟景速俯仰懷百憂將問君平卜

早起意不愜振衣自徬徨徬徨欲安適所思在遐方朝采
北山菊夕息西山旁露氣沾野草霜花凝晚芳清泉何洽

冷隨風激鳴璫高韻有清契靜機生妙香此境豈不足奚
爲滯行藏富貴非可求稅駕定何鄉

泛舟二牖

春水碧前渡春愁隨淺深扁舟渺何許豁我塵勞襟柳色
遠近岸杏花三兩林相看忽有感俱是繫初心

南行至玉山始見梅花時臘月念三日

自別三年久相逢一見親天涯原有感歲晚益傷神寒水
空畱影荒邨未上春眼明那足計羸得是沾巾

貴溪晚泊

東風吹雨到薄暮欲何之蓬濕燈頻照舟偏枕易欹啾啾
山鬼出草草榜人炊稍喜添新漲平明解纜時

歲暮旅店偶成

與語惟頑僕相聞盡市聲牀斜便側臥屋小禁閒行淚眼
看書覺塵顏攬鏡驚枯吟多率句強飲少懽情叉手真無
事梳頭屢不成清脾耽茗椀瘦影弔燈檠只覺春難到渾
忘歲欲更囊空翻減怯裘敝誤稱輕衣帶添新緩關山憶
舊程逢人商水陸切已計陰晴勞境身偏健窮途氣自平
擲毫編口號客底共誰評

蘇嶺次壁間韻

漸覺風幡動來尋古刹幽
蘚痕初過雨篁語乍疑秋
吟到茗初熟坐看雲欲流
塵心一掃盡林鳥若相留

塘西夜月

暝色忽破碎清光來萬千
連檣都得月極浦盡如天
此際懷鄉國何人立晚煙
迢迢思遠道定在計初圓

謁嚴子陵祠遂登釣臺

步行三十里來謁嚴陵祠
嚴公迹已往遺像今在斯
平生未識隱者面高人有
相吾安知趁風三度祠下
過屢如神

山引去之今朝拜瞻始快慰想見披裘揮手時先生之風
在人口欲加稱語難爲辭先生之貌見者稀眉宇照映溪
山奇延緣直躡釣臺上攀籐捫薜真忘疲同人莫以迂僻
譏風塵歆腳寧非癡長年莫以俗諱阻我意早與千載期
舟子相傳求名利者忌上釣臺未得竹如意焉得招魂辭西臺精靈不可
作浪浪只有天風吹

斜陽

斜陽半天雲樹迷扁舟短棹沿迴溪風帆輕似白鷗鳥細
浪滑比青玻璃三點五點意中雨一聲兩聲空外雞柁樓

晚飯定何許煙消月出風淒淒

召伯埭

湖濱淮流兩道分蕪城北去幾斜曛鏡梁三救無人問珍
重東山一片雲

太平御覽引述征記云召伯埭到三救埭十五里

露筋祠

露筋何必鹿筋疑千載湖壩仰令儀
天藻煌煌風化本
明璫須廢阮亭詩

八月十五夜率成

西風客子寒不眠夜色欲午花含煙
今月古月共一照舉

頭低頭都可憐六千餘里故山遠二十一回明鏡圓此景
此情悄誰遣空庭衣露森吟肩

和章仿軒簷簿

朝拭

自題畫蝶韻

仙裾宛轉九銖霞春草年年不記家回首芳時應有恨南
園何事枉看花

有感

十年上計屢歸來一第艱難亦可哀筆墨虛名荒寶學米
鹽生計累高懷尙能玉屑霏談麈未肯金丹換酒杯昨夜
夢中三逕具青冥何事苦低徊

夜宿 景山學齋

天外鴉聲度苑牆
千林晚景送斜陽
雲光乍與山顏紫
霜意猶容瓦色黃
窺戶月華連北極
隔櫺蟲響盡東箱
滄江青瑣俱無著
漫聽西風玉漏長

春榜紀事六首

麥涼料峭逼窗紗
夜氣濛濛湛露華
夢破蟲聲千葉雨
居然風景是山家

夜宿
圓明園

金支絳節肅無聲
瑤草琪花隊隊明
身在玉京朝會列
歸來倘許住蓬瀛

待漏
宮門外

親見

丹毫點注纔冰銜便許署蘭臺三山豈在人間世不信天

風引卻來

引見館選

翠華光漾日華濃合殿祥煙飭

袞龍一片中和韶樂裏初將稽拜答時雍

傳臚

清秘堂前尺五天藥珠榜上大羅仙聲聲唱徹香煙轉知

有卿雲到日邊

翰林院宣旨

大業千秋未可捐儒林一脈喜隨肩可憐郵塾伊唔日舊

事看看二十年

大教習號書

京居過夏感舊懷人以先後知交畧爲詮次得詩二十首

齊北瀛編修

鯤

北瀛英妙姿溯自總角交推誠掩流輩離合非一朝比通金閨籍相攜玉堂坳丈夫各志業所期成久要

廖佩香上舍

英

佩香敦志節蕭然樂環堵詩人例瘦生酒星混凡伍交遊皆老蒼風骨似太古他年山水心招隱當首數

曾禹門邑侯

舊春

禹門今已矣果否玉樓召名山對衙齋彷彿憶談笑攝臨安令
時曾畱余署中月餘日宿草無處尋六載輟同調耿耿經恤心仰天
不能嘯

李仙林孝廉 鴻鈞

仙林華國資用心文章境青冥超偶垂精進力愈猛人生
愛景光適意貴自領君家草堂好君家爲蘩葭草堂故址擅園池之勝胡不
發清省

吳振江廣文 春瓊

振江磊落士宦遊滄海外君由詔安調任臺灣鼓車駕驥足枳籬限

鳳翽利器難久藏佇君報上最天涯合有時重與話良會

林藥淵孝廉

慶章

藥淵名父子家學流清芬冥搜盡玉海藻耀翔錦紋端居

共夏課

辛酉過夏與余共屋

賞析恆夜分歸鞭何太速目極江東雲

趙雲衢茂才

聯鑣

雲衢靜修士落落寡所親醉鄉不害性花時甘守貧幽賞

足紅玉

君家方池紅蓮盛開鄭蘇年師嘗集諸生於此題曰紅玉齋

虛懷師綠筠如聞

盟心語願作讀書人

君嘗拈此五字鐫一小印

郭韶溪國博

龍光

韶溪俊異才射策得京職煌煌石鼓旁儒官匪屈抑胡爲
戀名山苦斂丹霄翼靈修近如何鶴鳴隔南北

鄭芸汀孝廉

天祥

芸汀秉俠氣豪飲乃性成觀書萬卷破照人肝膽清習懶
稽叔夜抗心向子平安得闕親近相思南斗明

葉芷汀孝廉

申萬

芷汀名家子置身在青雲纓橐百氏說漱滌六朝文胡然
意獨傾感此醇醪醺古人久敬旨庶哉吾與君

馮恪甫孝廉

光祚

恪甫風雅徒妙齡入帝里舊雨滿京洛潔修佩蘭芷看
花再愆期新歸亦可喜懸知酒腸窄醉倒荔鄉裏

王陸亭孝廉

大經

王公足樸誠交友罄懷抱忝屬末親行許我忘年好清言
抒往復名德供斧藻何當話巴山翦燭再傾倒

劉守齋孝廉

祖憲

守齋僻壤居允稱湖海士健筆摩天空崇情答霞起踴躍
不足計灑然返鄉里深山易著書修能幸無已

陳研農邑侯

敬

陳子靜者心小詩最流美十年守青氍所得爲甘旨計偕
獲吏銓卻飲西江水好憑觀政暇素心達雙鯉

鄭載謙廣文

超

鄭公儒雅冠古誼照顏色文如錦屏風心在水精域看花
不稱意中酒那得默十年屋打頭一別無消息

官志齋徵君

崇

官公古醇儒立身秉天爵就徵本無心委化理難索金臺
足高軒斯人竟寂寞猶憶粉坊街論文泥春酌

乙卯計偕
與余同僦

粉坊
街屋

游彤卣侍御 光釋

侍御瑚璉器直聲動朝端錚錚歸田詩

以言事降官有留別二律和者遍都

下依然寸心丹苔岑感意氣握手多古歡斯文獨相屬令

我懷抱殫

君臨別囑爲封翁壽言倚裝索稿而去

王虛谷孝廉 錫齡

虛谷苦嗜學深思如有神施設備文武

公家福寧崇嶼地濱大海嘗團練鄉

勇以禦海寇

理緒參天人

旁通堪輿六壬之學

騎驢二十載夜影圓京塵

男兒不得志離羣那足嗔

吳和庭邑侯 觀樂

和庭我親故落落風義重清詩領道要觀止發真諷

公喜讀內

典十載道里寒同情春明夢捧檄雖小試會當蔚時棟

林翰雲明經

楚

翰雲抱利器束髮登名場芳時情不嫁紅顏成老蒼母爲
繞指柔會如錐處囊君看垂天翼一飛拂搏桑

將往東甌作

賢者羞笑黔英雄感髀肉況我下士貧敢戀閒居福還家
將二載一飽艱旨蓄東道行屢違南枝守太促坐覺晏安
久轉喜行邁卜俶裝別里門此味領已熟矧茲暫遊騁只

似越信宿秋郊佳景光洗眼快靈囑卻憶陶先生天倪抒
幽獨飢來驅我去任運殊不惡閒雲無遠心倦鳥歸來速
待看屋後梅何必籬東菊

北嶺

九月十日

今年九月九未逐登高隊今朝山上山直躡金薤背天風
恣呼號白雲紛破碎回望凌霄臺渺爾小閭闔孤攀境始
奇見大心愈泰便當展重陽作詩弄狡獪

白鶴嶺

渾渾石倚天汨汨林掀濤千峯競迫東一綫懸秋毫泉聲

淘太古飛雨不敢囂
旁闢石根阨頽驚坤軸
撓危坳望礚田錯疑見平
皋數折轉混茫乃覺所處高
吾閩多艱險歷歷記所遭
北控大小竿西征緣竹篙
憶越江右來百丈尤困勞
及茲彌笑兀一笑無蓬蒿

大小竿嶺在浦城百丈嶺在邵武竹篙嶺在汀州皆

閩嶺之極高者

阻雨寧德旅次

山城雲氣重亭午陰不散
飛雨山上來助我領妙觀
客樓面翠微蒼秀接凡畔
滴霧林有無奔泉影歷亂
左睎霍童山靈氣隱太半
右瞰飛鸞江溟濛汨遠岸
連朝筇輿局焉

得此汗漫默矚亮有得恐泥且休嘆買魚僕已歸引酒聊
自伴去住付無心仰慙簷鳥喚

大梨嶺觀雲海

白雲不在天邱陵焉自出飛泉不到地溟渤起倉卒高低
汨廣漠太素莽無質中含一片雨外漏千丈日此方山脉
互幻境意所悉亦有支淵淳真似轉難詰行行百盤落漸
漸濛氣失天容自橫朗連塍比如櫛處高多所迷親下理
乃寶轉機俄頃間允悟君子術

天台嶺觀瀑布

靜舍動者機寂寓喧之萌動靜有恒理喧寂感所生山深
羣巖遠恰有飛瀑鳴鐵色中黝暗天紳外分明千盤勢屢
移萬道響愈爭巨湍恣砰磕細激餘琮琤巖壑忽回互浩
浩同一聲坐令山行客目眩耳復傾山靈倏廣樂客子生
遠情何當少停蓄葆此在山清

分水嶺

出門方浹旬恰到分水嶺眾壑趨正絕羣峯抱孤影側聞
山海交茲地費巡省桐山五丈旗橫陽十萬井赫赫雲中
旌昨日新過境總戎率有制遊子亮無警故鄉行且歸域

外觀須騁永嘉山水滋洗眼佇清領

飛雲渡

客子行不息大江流未央渾渾夕照沒四面天容黃橫空
一葉去大波與低昂北岸近可睇東顧何茫茫魚龍海氣
腥鷹隼風力强大星掩洪耀南八真堂堂如何傳者誤重
碇翻危檣孤忠會激發青史當闡揚媿非濟川楫臨流默
感傷

調胡總戎振聲

孟樓

在江心寺西偏考東甌舊志本名浩然樓寺僧相傳爲孟襄陽遺蹟素小峴觀察因改題孟樓

並鐫跋于石按謝康樂遊孤嶼詩鋪陳景物言不及寺觀圖經載唐咸通中始建東塔宋開寶中始建西

塔至建炎駐蹕于此而輦林始盛則是樓當亦託始
宋元間樓之西爲文公祠蓋信國公流寓舊址拜瞻
遺像正氣如生始恍然于浩然之名實寄尙友之慨
與襄陽兩不相涉觀察跋語似未深考因私辨之而
係以詩

憑欄潑眼盡秋光城樹邨煙俯莽蒼
歷覽敢希謝康樂標

題漫借孟襄陽江山如此清輝在
宋高宗御書清輝字尙在人物當年

逝水忙誰識浩然畱正氣西偏丞相有祠堂

文公祠謁信國公遺像

拋盡杭州與汴州孤臣萬里起煩憂
早知潮水天難恃縱有前程鬢已秋
半壁雄心飛北壑片帆末路下東甌
可憐

退菴詩存

卷二

三

羝乳歸期幻長使英雄淚不收

池上樓謁謝康樂遺像

窮海空林往事賒
流連遺像尙風華
雲根舊蹟珍千古
池草清才萃一家
半壁江山拱西掖
六朝文藻啓東嘉
區中緬邈知何意
畱與蕭條異代嗟

飛霞觀

且拋塵慮豁秋襟
百折雲梯恣遠尋
白舫青簾門外過
落花嘒鳥洞中深
懸泉自作千年調
臥樹猶存六代心
佳處難爲招隱計
但憑小憩一清吟

乙丑二月入都

居閒從仕兩難任
孰識孤雲出岫心
宦興漫隨春水長
客愁更著曉寒侵
百年骨肉誰能遣
萬里功名自不禁
幾度塵勞悔形役
可堪又聽鷓鴣吟

終天恨事說蒼涼
苦憶當年客況忙
壯志幾番輕遠道
名心多半爲高堂
南山橋梓空魂夢
東郭松楸益感傷
今日長征又何託
此身原不合離鄉

荆枝執手費躊躇
舊物青氍計未疎
早分儒餐艱一飽
肯將世業負三餘
西清簪筆期頻誤
南省探花夢又虛
大抵

居貧同況味青春何以會居諸

謂虛白江田二兄

吾家阿買尙嬌癡也學成人說別離問字祇今須外傳牽
衣羸解數歸期鳳毛舊德矜推許鴻爪生涯易渴饑料得
蘭閨愁裏坐還憑笑語爲軒轅

可喜成行柰別何銷魂無語託微波卻疑見慣情如薄縱
約過歸恨已多遠道芙蓉勞悵望頻年荼蓼感蹉跎泥人
尙說虛名好盼定蓬萊連理柯

二分春色恰侵尋別緒無端一往深黔突易生賢士感素
書頻見故人心蕭蕭行計原如舊耿耿新恩又自今重爲

虛名勞七尺前途誰與決升沉

莫笑風幡欠主張春明舊夢本難忘玉堂放直花枝午金
殿摩空墨瀋香漫說仙曹關位業須知報國在文章開懷
好作朝

天計信美他鄉是

帝鄉

誰將別醕接春觴十日平原結客場醉裏不知行色淡夢
中猶似計車忙幽愁黯黯隨芳草新水看看到綠楊迨此
偷閒惟索句從頭數到九迴腸

吳山

萬家鱗次拱峻嶒江色湖光一氣凝雲裏樓臺如北固煙
中沙岸接西興蒼茫天水餘陳迹消受名山幾老僧空際
棋聲愜飛動振衣更上最高層

曲磴層崖往復忙勝游渾不記他鄉豔陽羅綺通仙界著
色簾櫳遍上方難得好山兼妙麗誰教頑石盡文章三茅
觀裏桃千樹只少谿流悞阮郎

畱別吳六和庭

此情可待苦追思草草扁舟話別時匝月孤征還望遠經

旬小住又傷離雲迷越國青無盡水入吳江夜不知剩有
側身天地感湖山何處訂前期

揚子江邊清明日作

夢回何處是鄉關昨夜潮聲往復還浩浩春風吹客去依
依隄柳向人閒十年蹤迹東流水幾度清明北固山只恐
江神暗相笑勞勞已改舊容顏

高郵大風

雜縣寓魯闕退鷁辭宋壘大聲降寥戾扁舟爲簸揚初來
乍迅越海至愈激颶素威谷中嘯吞舟解底狂猛似百萬

卒金鼓轟昆陽怒如八月濤陵厲龕赭旁徹宵已彌滿欲
曉翻披猖夢魂自震蕩弛氣更肅將平明莽四顧天地皆
蒼涼重陰掃不散亭午猶昏黃力衝雲根厚勢驅雨腳忙
千帆影斷絕兩岸聲礚礚敢怨致遠泥實深屏居惶孤坐
易憊慄苦吟難慨慷薄暮少靜謐攬衣起徬徨推窗復哢
聒造化何能詳勁松作媚舞修篁拜踉蹌時會相逼束本
性多所妨潛鱗駭失勢游鷗限高翔霄壤自遼遠滯畱非
怯恒以茲悟物理靜契通行藏知退愈于進知柔難爲剛
天心隨所託作致空樓邊不聞闕里訓會心在山梁長歌

析妙緒旅況終軒昂輟歌風已歇濛濛覩宵光彪暴變亦
速淒歎過卽忘欬枕免憂惕逕入華胥鄉

仙緣

仙緣非幻亦非真回首蓬山雪滿身同是高寒難久住謫
居何不落紅塵

四月二十六日 方澤大典恭與監禮恭紀

大羅小謫憶鑪香蘭省齋居也勝常竟許

北郊襄典禮何殊東觀頌文章雙瞻班肅鵷行首拱立榮

聯牙繡光

監禮例派監察御史四人禮部司官兩人分立百僚拜位之前終事平臨

天尺五歸鞍猶傍

日華黃

桃笙

殷紅雲耀天閃赤火流屋曰林紆鬱蒸耳井渴懸瀑遙風
斲自南廣厦變維谷喝甚亭午厭倦限良夜卜分無招涼
珠幸有桃枝竹青熒織文簾廣狹隨方幅瘦莖森獨清勁
質刷羣燠滑生流水光皴作碧雲蹠掃寬颺延鮮凝淨氣
萃淑影驅晝蠅靜力鎮宵蛎肅坐令華胥游直接羲皇俶
煩懷卻惺惺佳夢延穆穆纖痕含風漪爽意浥露馥慢膚

一揆抄痼疾百消縮卷舒雅有時變理真無忌策勛搜麗
句數典繙舊牘讚謝景純古賦媿太冲續短歌聊自娛歆
枕忘三伏

秋日重到西湖口占二首

一年兩度到西湖如此塵勞尙不孤潑眼春光看未足更
教黃葉寫倪迂

忙裏偷閒不自由每逢佳處靳堯留蓬山也是匆匆過何
況西湖十頃秋

過仙霞嶺和壁間周櫟園先生韻

不信人間萬仞峰都疑天際落芙蓉
彌山竹色連雲暗殷地泉聲隔霧春
勝蹟由來兼扼要行人只解數游蹤
勞我亦風塵倦賸有敲詩興未慵

昔年禁旅控危途天險神威並力扶
虎口游氛銷信越龍頭勝算仗孫吳
代非分建誰當守防到東南古所無
八扇巖關千尺嶺故應長伴夕陽孤

盤紆磴道枕山長拔地樓臺兩翼張
篁語隨風參梵課蘇皮過水助茶香
楹櫺照眼多陳跡墨瀋流馨遍上方
自分碧紗籠不到閒將天籟畱滄浪

客途那復計窮通回首觚稜曉日曨一笑因緣蓬島上十
年滋味筍輿中在山水好參心跡出岫雲仍信化工畢竟
區區耿懷抱草堂何處著盧鴻